

常 識 叢 書

第 二 十 二 種

最 近 之 日 本

上 海 中 華 書 局 印 行

歐洲遠古文化史

一冊 二角半

本書內容：(一)詳述遠古人類生活之衣食住情形，使吾人得知最初人類之概況。(二)對於歐洲遠古文化之變遷與進步，以及遠古人的物質與精神生活之狀態，扼要說明。(三)對舊石器、新石器及銅鐵各時代，均附有插圖，以資明瞭。

中華書局發行

(561)

有著作權不准翻印

民國十八年十二月三版

常識 叢書 最近之日本(全一冊)

◎【定價銀三角五分】

(外埠酌加郵匯費)

編者 吳縣陳懋烈

發行者 中華書局

印刷者 中華書局

印刷所 中華書局

總發行所 中華書局

分發行所 中華書局

北京 天津 張家口 邢台
保定 濟南 青島 太原 開封
西安 蘭州 成都 重慶 長沙
常德 衡州 漢口 香港 南昌
九江 安慶 蕪湖 南京 徐州
杭州 嘉興 蘇州 廈門 廣州
汕頭 潮州 梧州 雲南 貴州
奉天 吉林 長春 新加坡

例言

一本書取最近之日本之政情風俗，編輯而成。期間大約限於大正四五年以後爲標準。

二本書因限於篇幅，不能求詳，惟望其大致無誤。對於統計表等，則務求新確，採列甚多，以免空泛之弊。

三本書方面甚多，且以時代太近，出版界頗乏完善之參考書，不得已而求諸雜誌新聞者大半。

四本書對於敘述求其忠實，無主觀的損益於其間。偶有加入著者未熟之感想，或批評，亦憑公正之態度出之。

五文體全用文語，求簡明不尙高雅。句讀名號，則概用新式標點。


六書中所用圓數，悉係日幣，約與我國銀圓相等。所用年號亦均用日本，民國元年，即日本大正元年，以此可類推。至每日幣一元，分百錢，每錢約合我國大洋一分左右。

序

吾佛有言：『人生諸業，剎那剎那，不常不斷。』雖從現象上言之，明日黃花，事過情遷；然無限之空間，必受其影響，無窮之時間，必受其遺傳。似影隨形，絲毫不爽。個人之升沈否泰，固不能逃此公例；卽一國之盛衰隆替，亦斯共業所生之必然的結果也。我國比年以來，國情凋蕩極矣！傷時愛國之士，呼號奔走，良費心力，然國人生活之煩悶恐慌，卒未因之稍蘇者，亦因國運之消長，其來實有自也。東瀛三島，其文化前者來自華夏，後亦效法泰西，視我邦爲後進；而輓近政治修明，教化昌盛，我國反居其後。此無他，彼國歷年勵精奮發，今日收其效；吾則自昔玩愒恣淫，今日受其毒；非天之厚於彼

而薄於我也。後之視今，亦如今之視昔，吾人若不去迷妄之生活，趨人生之正軌，恐他日之痛苦，有百倍於今日者矣。編者留東有年，藏修游息之餘，與彼邦社會人士相接觸，益稔其生聚教訓之苦心。迴首神州，往往興無窮之感想。民國十一年歸國，任事於社會者幾三載，悉其內容，黑暗墮落，益覺我不如人。去春重來東京，適地震大災之後，意謂必生民憔悴，百度廢弛矣。然細察之，社會上新舊思想之衝突，生活形態之矛盾，隱憂雖未有已；然其政教秩序，蒸蒸日上，眞所謂板蕩疾風，適資鍛冶彼大和魂耶？顧我國人，對於彼邦內容，鮮有知其底蘊者，或仇視之，或蔑視之，均非得計也。蓋惟仇之深者，知之當益切；輕之甚者，察之當愈明。試觀彼國之朝野，對於

吾國政情變遷，風化細故，莫不深切詳確而虛心研求之。吾則對彼一無了解，揆之知己知彼，百戰百勝之道，吾人着着處於失敗之地位矣。今春反國，中華書局囑編最近之日本，余以爲他山藥石，未始無補益於我老大之邦，且與余頻年之懷抱不期而合也，漫然應之。溽暑初臨，鐮倉小住，風光幽寂，與著作爲宜，乃略事考證，輯成此冊。惟區區短篇，爲字數及時間所限制，不能應有盡有，頗自憾耳！中華民國十五年八月，述於日本客邸。時夜垂半，窗外濤聲，與思潮相起伏，亦宇宙與人生一大調和之表現也。編者吳縣陳懋烈。



叢書 最近之日本

目次

第一章 導言.....一

第二章 總論.....五

第三章 最近之政治界.....一六

第四章 最近之外交問題.....三五

第五章 經濟產業一斑.....五六

第六章 教育及文化最近之狀況.....八三

第七章 社會風俗最近之一面.....一〇二

第八章 最近日本與其國民性.....一二〇

第九章	日本近代女子觀……………	一二六
第十章	大地震及其復興狀況……………	一三三
第十一章	殖民地近狀……………	一三七
第十二章	我國留學生及華工近況……………	一四九
第十三章	結論……………	一五七

叢書

最近之日本

第一章 導言

綜覽全球，號稱強國者，不外英法美意日本。之五國者，其軍力文化政治經濟，雖不能等量齊觀，要皆雄長一方，逐鹿寰宇者也。英法爲歐洲古國。意雖一統之時，距今匪遙，然文化遠承羅馬，其來有自。美固新邦，其民族固英倫之嫡派。惟吾鄰之日本，六十年前，孤立東海，世界視之等於海上仙島，無關重輕，雖無外侮，而內亂頻仍，文化鄙陋；乃自明治銳意圖新，內則廢藩置縣，與民更始；外則廢除租地，及治外法權，躋於平等；從此教育發達，實業隆盛，一戰而敗宿昔視爲天

朝上國之中國，再戰而敗，雄視歐亞野心勃勃之俄羅斯：國運之盛，真如旭日初升，世界各國，無不怵然注意此區區之三島矣。故近代之日本，其進步之速，變化之多，舉世界各國無能出其右者。此吾國人對於最近之日本，所以不可不深加研究者，一也。

白哲人種，在近世紀中，執世界之牛耳。有色人種，已立於失敗地位。雖近年來，民族自決扶助弱小之聲浪，傳播一時，然實紙上空談，欺人之言耳。人類人己之界，一日不泯，貪嗔慾望，一日不能望其息絕，則相斫相殺，必無已時。強種滅弱種，亦事理所必至也。處斯時會，惟我國與日本，在有色人類中，比較占重要地位。然兩國能否和衷共濟，以禦外族，實

關係於黃種存亡問題，亦卽有色人種存亡問題也。此吾國人對於最近之日本，所以不可不注意者，二也。

歐戰告終，近東問題，殆已入解決之期矣。從此以後，世界視線，均注集於遠東一隅。太平洋舞臺，已變爲世界競爭之焦點。近年以來，日美戰爭之聲，洋溢於中外。他日禍機一發，牽動全局，其影響之重要，損失之浩大，必且十倍於此次空前之大戰。吾人對於此事，關係匪淺，將來若何對付危機，相事制宜，全視豫備知識之充足與否爲斷。而太平洋西部之主人翁非他，卽日本也。此吾國人對於最近之日本，不可不深加注意者，三也。

日本朝野上下，以亞洲之盟主自居，其對待我國及亞洲諸

弱小民族，猶北美合衆國之對待南美中美諸邦也。門羅主義，固彼國人心中日夜不忘者也。我國地廣人衆，文化昌明已久，以地位論，實當支配全亞。今反受制三島，侵辱欺侮，視等蕞爾。憂國之士，或主張排日，或主張聯歐美以拒之，雖其熱誠，有足多者；然均非根本解決法也。爲今日計，惟有以靜冷的態度，觀察彼國之內容，徐圖對付之良策。感情興奮，非但無裨大局，抑且僥事，適足遺彼人之笑我祇五分鐘熱度耳！且同處東亞，密邇一隅，接觸頻繁，處此海禁大開，五洲一家之世，欲與之絕交，實無此理。今當效彼之長，利用之以益我；伺彼之短，利用之以攻人。此我國人之不可不注意最近之日本者，四也。

我國輓近思想界學術界，浮夸黑暗，在在乏眞摯澈底之精神。青年學子，爲他日國家主人翁者，日沈湎於所謂輕軟文學，偏激思想中。出版物多迎合此種心理，務爲奇巧纖淫之品；於是垂絕之民族，雪上加霜，益促其元氣而不可收拾矣。最近日本，上下勤儉奮厲，雖極小極細之事，必精益求精，百折不回，期以完善，處處堪予吾人以模範。殷憂啟聖，多難興邦，愛國同志，當奮其高尚健全之精神，樹東亞文化之良軌；不讓彼東隣三島，獨霸斯土，則尤著者所馨香祝望者也。

第二章 總論

第一節 地理及人口

日本領土，合本州四國九州北海道四大島，約二萬四千五百方里，及琉球小笠原諸島，千島臺灣樺太之南半部，朝鮮之全境，約一萬九千三百方里而成。此外又有南洋羣島中之委任治地，旅順之租借地。除朝鮮外，均屬島嶼。東南臨太平洋，西北憑東海黃海日本海鄂芝克海等。（一方里合我國四十六方里強）

全國現時之區劃：分朝鮮臺灣二總督府，樺太關東州租借地即我國旅順二廳，北海道一道廳，東京京都大阪三府。又關東方面六縣，神奈川千葉茨城埼玉羣馬栃木；奧羽方面六縣，福島宮城岩手青森秋田山形；中部方面九縣，靜岡愛知岐阜山梨長野新潟富山石川福井；近畿方面五縣，滋賀奈良三重和歌山兵

庫；中國方面五縣，鳥取島根岡山廣島山口；以上三十一縣，均屬本州。其他四國方面四縣，德島香川愛媛高知；九州方面八縣，福岡佐賀長崎熊本大分宮崎鹿兒島沖繩是也。

日本爲著名之火山國，有多數之火山，成爲線狀之火山脈。從東北達西南，有千島那須島海富士御岳白山阿蘇霧島大屯九大火山脈。其中有活火山甚多。溫泉亦多有著名者，如箱根伊香保日光伊東修善寺熱海有馬寶塚別府阿蘇等。其中又有含硫黃酸性、鹽類、炭酸等類之溫泉。

人口問題，爲日本近日最大問題之一。現在共有人口約八千三百萬。內計日本種五千八百萬，朝鮮種約一千六百七十萬，馬來種族十三萬，臺灣之漢族約三百四十萬。密度以九州爲